

ZAPISNIK

sa 21. sastanka Privrednog savjeta Grada Zenica

održanog 21.11.2022. godine u maloj sali Grada Zenica (II sprat), Trg BiH br. 6., Zenica, sa početkom u 13,00 sati.

Sastanku su prisustvovali:

1. Predsjedavajući Privrednog savjeta, gradonačelnik Fuad Kasumović;
2. Amra Mehmedić, pomoćnica Gradonačelnika za privredu i upravljanje razvojem;
3. Maša Škrbić, Stručna saradnica za marketing, promociju i investicije;
4. Emilija Pašalić, Pomoćnica Gradonačelnika za urbanizam;
5. Aida Tanović, Inspektor u Službi za inspekcijske poslove,
6. Senaida Turkić, Aksa d.o.o. Zenica/Udruženje poslodavaca Zenica;
7. Mladen Perić, Pero d.o.o. Zenica/Udruženje poslodavaca Zenica;
8. Damir Begić, „ALMY“ d.o.o. Zenica;
9. Senad Džanić, Club 072-Zenica;
10. Edin Šarić, Savez izviđača Zenica;

Na samom početku, predsjedavajući Privrednog savjeta, gradonačelnik Fuad Kasumović, pozdravio je sve prisutne, obavijestio ih o trenutnoj političkoj situaciji u Zenici, te predstavio gđu. Mehmedić kao buduću Premijerku Zeničko-dobojskog kantona.

Svi prisutni su s oduševljenjem čestitali novu funkciju Amri Mehmedić te iskazali veliko zadovoljstvo njenim novim angažmanom.

Amra Mehmedić se zahvalila svim prisutnima te predstavila Dnevni red 21. Sjednice Privrednog savjeta i to:

1. Zapisnik sa 20. sjednice Privrednog savjeta,
2. Informacija o realizaciji infrastrukturnih projekata u Poslovnoj zoni Zenica 1 (Projekti: Anex B i Saobraćajnica 8),
3. Informacija o realizacija projekta „iSKOraK-Partnerstvo za nova radna mjesta“ u 2022.godini,
4. Informacija o realizaciji „Programa mjera za utrošak podsticajnih sredstava namjenjenih u oblasti privrede u 2022. godini“,
5. Nacrt Budžeta za 2023. godinu - sredstva za podsticaj u oblasti privrede (Boračko jezero)

Ad. 1

Gradonačelnik je istakao da je znatno manje prisutnih na ovoj sjednici nego što je to bilo na prethodnim sjednicama. Pohvalio je rad buduće premijerke Amre Mehmedić, te se osvrnuo na finansijske pokazatelje u Kantonu i poručio da bi Vlada trebala biti vrlo brzo imenovana.

Ad. 2.

Amra Mehmedić se osvrnula na Zapisnik sa 20. Sjednice Privrednog savjeta koji je jednoglasno usvojen, te dala informaciju o realizaciji infrastrukturnih projekata u Poslovnoj zoni Zenica 1, tj. Anex B i Saobraćajnica 8.

Također je istakla da je u Poslovnoj zoni jako puno stvari urađeno i da će za dvije godine to biti kao jedan grad, a do sada je bio napušten prostor. Ove godine su to dva „živa“ projekta, Jedan je Anex B, stara zgrada tehničke kontrole a naslonjena je na Agenciju ZEDA. Preko projekta prekogranične saradnje Grad ze dobio preko 500 hiljada KM granta, a vrijednost te investicije je preko milion maraka, 70% je sufinansiranje preko grantova, dok je 30% učešće Grada Zenica. U tom objektu će biti 35 kancelarija za MSP, te kabinet za robotiku i CNC mašine u kojima će se organizovati edukacije.

U toj zgradi bi trebao biti HUB IT firmi, gdje bi se uz podršku Politehničkog fakulteta osnovalo što više firmi.

Ova zgrada bi trebala biti završena do kraja Janura 2023. godine.

U Poslovnoj zoni Zenica 1 završavaju se radovi na izgradnji saobraćajnice 8 sa pripadajućom infrastrukturom.

Ukupna vrijednost projekta iznosila je 363.414,75 KM, a realizovan je sredstvima Grada Zenica u iznosu od 213.414,75 KM i Ministarstva za privredu Zeničko-dobojskog kantona u iznosu od 150.000,00 KM.

Radovi su obuhvatili izgradnju nove saobraćajnice 8 sa pješačkim trotoarom, za teška teretna vozila i dvosmjerni saobraćaj u dužini od 135 metara.

Amra je također dala informaciju o Projekatu „Utopljanje objekta TechnoParka Zenica“ koji je realizovan u saradnji sa Fondom za Zaštitu okoliša FBIH, čija ukupna vrijednost do sada 215.417,88 KM sa PDV-om. Projekat je sufinansiran sredstvima Fonda za zaštitu okoliša u iznosu od 100.000,00 KM, a ostatak sredstava u iznosu od 115.417,88 KM je obezbjeđen u Budžetu Grada Zenica za 2021. godinu.

Napomenula je da se milion i pol kovertibilnih maraka ulaže u infrastrukturu, jer do dolaska gradonačelnika nismo imali niti jednu projektnu dokumentaciju.

Ad.3.

Gospođa Mehmedić je napomenula da je Gradu Zenici uručen BFC certifikat kojim se potvrđuje status grada s povoljnim poslovnim okruženjem, na BFC Regionalnoj konferenciji Core Days 2022 - Partnerstvo za konkurentniju regiju, održanoj u Dubrovniku u Hrvatskoj, sa procentom ispunjenosti kriterija od 98%.

Ad. 4.

Maša Škrbić je dala informacije o projekta „iSKOraK-Partnerstvo za nova radna mjesta“ u 2022.godini i do sada odrađenim aktivnostima na istom.

U aprilu ove godine, Grad Zenica i Agencije ZEDA su u ime Lokalnog partnerstva za zapošljavanje (LPZ) Zenica zajedno sa ostalih 19 lokalnih partnerstava potpisali ugovor o realizaciji projekta „Podrška Evropske unije lokalnim partnerstvima za zapošljavanje – Faza II“ (LEP II) koji finansira Evropska unija u iznosu od 4 miliona eura, a realizuje Međunarodna organizacija rada u Bosni i Hercegovini.

Cilj projekta je da osigura kreiranje i sprovedbu programa aktivacije i integracije nezaposlenih osoba u lokalna tržišta rada od strane lokalnih partnerstava za zapošljavanje. Od novih 20 lokalnih partnerstava za zapošljavanje u BiH se očekuje da uspješno razviju lokalne inicijative

za zapošljavanje, te omogućće obuku i prekvalifikaciju za najmanje 1600 nezaposlenih osoba. Očekuje se da će najmanje 600 osoba biti zaposleno nakon obuke.

LPZ Zenica čine Grad Zenica, Agencija ZEDA i Općina Breza, JU Služba za zapošljavanje ZDK – biro rada Zenica i BIRO rada Breza, JU Srednja mješovita škola „MLADOST“ Zenica, JU Mješovita srednja industrijska škola Zenica, Omladinsko udruženje REAKTIV Zenica, te preduzeća Orlando-Samel-Namještaj d.o.o. Zenica; Boha d.o.o Zenica; Bega-komerc d.o.o. Zenica, Braća Karić d.o.o. Zenica i AREL d.o.o. Zenica.

Uspostavom međuopćinskog partnerstva je započela implementacija projekta pod nazivom „iSKOraK – Partnerstvo za nova radna mjesta“ kojim se nastoji direktno poboljšati inkluzivna poduzetnička infrastruktura i povećati broj novoosnovanih biznisa na području grada Zenice i općine Breza.

Ukupan budžet ovog projekta iznosi 479.214,14, a planirano je da projekat traje u periodu od marta 2022. do decembra 2023. godine, od čega 312.932,80 KM predstavljaju grant sredstva Evropske unije, a 166.281,34 KM je sufinansiranje članica LPZ-a.

Planirano su slijedeće projektne aktivnosti gdje su neke od njih i odrađene:

- Obuka i dodjela sredstava za pokretanje novih biznisa
- Adaptacija prostora i nabavka opreme za CNC kabinet u JU Srednja industrijska škola i Srednja mješovita škola
- Provođenje radionica za aktivno zapošljavanje i prezentacija programa prekvalifikacije
- Provođenje GYB (Get Your Business), SYB (Start Your Business) i IYB (Imrove Your Business) obuka
- Dodjela podsticajnih sredstava za najuspješnije poslovne ideje kao i registracija biznisa i slično.

Nakon provedene procedure po Javnom pozivu za učešće na obukama i dodjeli sredstava u okviru projekta „iSKOraK – Partnerstvo za nova radna mjesta“ 11 poslovnih planova je zadovoljilo formalno-pravne uslove, a šest poslovnih planova je osvojilo dovoljno bodova za dobijanje finansijske podrške.

Ukupno odobrena sredstva za realizaciju odabranih poslovnih planova iznosila je 54.310,57 KM. S kandidatima su sklopljeni „Ugovori o dodjeli grant sredstava u okviru projekta iSKOraK-Partnerstvo za nova radna mjesta“.

Ad. 5.

Amra Mehmedić se osvrnula na današnje potpisivanje Ugovora, između Grada Zenica i odabranih kandidata po Javnom pozivu za dodjelu podsticajnih sredstava namijenjenih za oblast privrede u 2022. godini na području Grada Zenice. Ugovori su potpisani sa aplikantima koji su ostvarili pravo na dodjelu bespovratnih podsticajnih sredstava u sklopu Mjere 1. Programa mjera za utrošak podsticajnih sredstava u oblasti privrede za 2022. godinu - Podsticaj za „Moj prvi biznis u Gradu Zenica odnosno START UP“.

Grad Zenica osigurao je 138.625,39 KM podsticajnih sredstava za 28 aplikanata koliko ih je ispunilo formalno-pravne uslove i uslove po objavljenom Javnom pozivu. Gradonačelnik Kasumović je dodao da su mjere za podršku privredi kreirane u saradnji sa Udruženjem poslodavaca Grada Zenica, a kroz Privredni savjet Grada.

Maksimalan iznos podsticaja po ovom Javnom pozivu bio je 5.000,00 KM po aplikantu. Na slajdovima koji su prikazani na ekranu u sali je jako lijepo prikazana infografika svih dodijeljenih podsticaja od 2017 – 2022. godine.

Ove godine su planirana sredstva u iznosu od 200.000,00 KM dok će sljedeće godine biti 300.000,00 KM.

Zaključak:

Zadužuje se Služba za privredu, gradsku imovinu i upravljanje razvojem da u nacrt budžeta planira sredstva u iznosu od 300.000,00 KM za podsticaj start-up preduzećima.

Ad. 6.

Amra Mehmedić kazala je da je Grad Zenica ove godine ispred Službe za privredu, gradsku imovinu i upravljanje razvojem aplicirao na brojne projekte koji su odobreni u iznosu od 1.300.000,00 KM.

Ad. 7.

Putem projekta EU4AGRI se također dosta radi, sada smo u proceduri zamjene rashladnih vitrina, zamijenit će se prodajni stolovi i nabavit će se sajamske kućice koje će se moći koristiti za razne sajmove i manifestacije.

Ad.8.

Senaida Turkić se osvrnula na jako dobar rad u Poslovnoj- zoni Zenica 1, te istakla da čitava zona izgleda kao jedan Grad. Njen prijedlog je da se u narednom periodu formira tehnička podrška ljudima koji rade ili žele raditi u zoni, također onima koji grade nešto za budućnost. Obzirom da Zeda upravlja zonom, njen prijedlog je da se za stalno zaposle inženjeri građevine i mašinstva kako bi se svi projekti mogli provoditi nesmetano i efikasno.

Senaida je istakla da je svjesna da tehničku podršku sada pruža JP za prostorno planiranje i uređenje grada Zenica, ali da bi bilo dobro da se zaposli više ljudi kako bi se bavili ovim projektima. Tako bismo imati službu koja bi znala problematiku i samo radila na specifičnim poslovima.

Zaključak:

Zadužuje se Agencija ZEDA da su novoj sistematizaciji planiraju mjesto diplomiranog inženjera građevine.

Ad.9.

Gospođa Senaida je postavila pitanje vezano za problem struje u Poslovnoj zoni. Amra Memhedić je rekla da su se svi napori dali da se dođe do EP BiH da se problem riješi, te je poslan plan parcelacije. Problem je što EP BiH od Lamsar Glass firme koja se trenutno treba priključiti na struju u poslovnoj zoni traži 2.000, KM za priključak, a od Grad Zenica 4.000,00 KM.

U narednom periodu 19 firmi će trebati priključak za struju, tako da će onaj koji prvi dobije priključak morati sam platiti troškove priključka struje automatski za sve ostale.

Amra je konstatovala da su uposlenici EP BiH ranije zamoljeni da pripreme ekstra buržire ali da to nikada nije urađeno, a onda je hitno organizovan podizvođač koji do danas nije iste postavio. Tender je trenutno u fazi realizacije, ukoliko bude žalba morat će se duže čekati, ali su sve aktivnosti poduzete.

Zaključak

Zadužuju se direktori svih Javnih preduzeća da se organizuje zajednički sastanak s predstavnicima EP BiH.

Ad.10.

Gospodin Edin, ispred saveza izviđača iznio je problematiku dovoda vode na izletištu Smetovi i ECO kuće Smetovi.

Gradonačelnik Kasumović je spomenuo da će u 2023. godini VIK finansirati odvodnju i dovodnju vode, čije će finansiranje biti uvršteno u budžet Grada Zenica. VIK je našao 3 izvorišta čija bi finansijska konstrukcija iznosila oko 650.000,00 KM, kaptaže gdje bi se na vrhu napravio veliki rezervoar. To bi bila količina predviđena za širenje, ali će se sagledati stanje budžeta, jer je bitno da projekat ima završenu realizaciju koja je planirana u 2023. godini ili 2024. godini.

Edin je napomenuo da se struja mora pojačati jer kada se ECO kuća stavi u završnu fazu, snaga postojeće električne energije neće biti dovoljna.

Ad. 11.

Druga stvar na koju se predstavnik Izviđača Zenica osvrnuo je izgradnja poboljšanja infrastrukture na Boračkom jezeru. O tome je bilo riječi nakon posjete delegacije Grada Zenica ljetos na jezeru, izgradnji sanitarnog čvora za koji postoji predmjer i predračun. Gradonačelnik je potvrdio da se sredstva nalaze u rebalansu budžeta u te svrhe, te da se samo treba provjeriti u kojoj je to fazi, jer je isto odobreno.

Zaključak

Zadužuje se Amra Mehmedić da provjeri sa resornom službom izgradnju mokrih čvorova na Boračkom jezeru.

Predstavnik izviđača je rekao da je zip line u funkciji, te da dosta izletnika koristi sve resurse ovog izletišta i da se u budućnosti treba nastaviti ta tradicija.

Ad. 12.

Mladen Perić je dodao da Amra Mehmedić, kao buduća predsjednica Vlade treba donijeti Odluku o obaveznoj „školi u prirodi“ za sve uzraste, jer je to jedan od najboljih načina da se gradi turizam u našem gradu. To je najveći projekat kojim se razvija turizam ZDK.

Predstavnik izviđača spomenuo je da je primjer dobre prakse Kanton Sarajevo gdje je to jako lijepo riješeno na način da djeca iz osnovnih škola obilazile i druge gradove. Obzirom da je to ukinuto, uveli su posjetu sportskog centra na Bjelašnici, gdje Kanton plaća 80% za djecu dok roditelji plaćaju 20% izleta.

Amra Mehmedić rekla je da je u fazi realizacije izgradnja amfiteatra na Smetovima.

Ad.13.

Senad Džanić se obratio prisutnima i zahvalio se ispred udruženja Zenica Trail Run na prošlogodišnjoj podršci i osvrnuo se na trku koja je dovela veliki broj ljudi u Zenicu iz drugih gradova, veliki broj turista koji su prvi put posjetili naš grad. Obzirom da je ovaj sport doživio veliku ekspanziju u svijetu i kod nas, gosp. Džanić je obavijestio sve prisutne da će se u 2023. godini održati trka 30.04.2022. godine na Tvrtkovcu. Iskoristio je priliku i zatražio podršku od Gradonačelnika na što je Gradonačelnik kazao da Grad redovno podržava ovakve i slične projekte.

Sastanak Privrednog savjeta je završio s radom u 14:30 sati.

Predsjedavajući Privrednog savjeta
Gradonačelnik



Fuad Kasumović

Zapisnik sačinila:
Maša Škrbić